



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Methodus Clara Et Facilis Vacandi Orationi mentali Atque
Exercendi se cum fructu in præsentia Dei**

Coloniæ Agrippinæ, 1687

Causæ ac remedia ariditatis spiritualis

[urn:nbn:de:hbz:466:1-46004](#)

Anima in hoc statu constituta multum conturbatur, speciatim initio suæ conversionis, non raro supra modum atque omnino inconsolabiliter affligitur, cum cuncta inclinata ac desperata existimet, atque à Deo se credit odio haberi, cum ab ipso à conspectu suo rejiciatur; ad quod ubi sese reflectit, præteritasque recordatur delicias, quando nimirum montes instillabant dulcedinem, & colles lac & mel, aliud facere nequit, nisi gemere, atque etiam quandoque infelicitatem suam amare destere. Interea cœlum ei æneum, ipsaque regionem habitare ferream videtur. Exponemus igitur primò causas ac remedia ariditatis. deinde quomodo in illa nos habere debeamus. Ac tertio monita aliqua magni momenti hunc statum concernentia suggeremus.

*Causæ ac remedia Ariditatis
spiritualis.*

I. **A**riditas ergo accedit primò in pœnam nostrarum priorum evagationum atq; immortificationum. Jure enim merito à nobis recedit Spiritus sanctus, ubi sensibus nostris nimiam indulsimus libertatem curiosa respiciendi, extra tempus colloquendi, proloquendi nugas ac facetias, similesque committendi defectus. Remedium aliud non est, nisi ut omnes hasce immoderationes atque errationes fidelis cordis nostri observantia, atq; ad nosmetiplos attentione rescindamus.

2. Nascitur ex immoderata solicitudine ac multiplicitate circa res exteriores, quas facimus, tametsi illæ etiam ab obedientia nobis sint demandantur.

demandatæ. Cor etenim nostrum faciliùs recipit impressionem illius , quod amat , ac de quo anxie sollicitum est.

Impressio autem , quam in illo causant res exteriōres, multum obstat receptioni emotiōnis divinæ. Remedium erit, ut ardorem ac naturalem temperes activitatem, connitendo, ut res facias absque adhæsione , atque simpliciter coram Deo , semper paratus ad illas , ubi placuerit superioribus, dimitendas, caveasque ~~de~~ cordi tuo ipsæ dominantur , cogitando frequenter, majoris momenti negotiorum , quod nobis in Religione curandum est , esse orationem, cui nullam ob rem, quæcumque illa sit, præbere debemus impedimentum.

Ariditas tertio quandoque procedit ex reversione humorum corporis , temporis, sive aëris mutatione, aliisque occasionibus aut naturalibus indispositionibus. Hoc in casu remedium efficacius non est , quam ut humiliter & patienter coram Deo hanc molestiam feras ac subinde actus interiores, in modum orationum jaculatoriarum elicias , quantumvis id fiat absque ullo gusto aut affectu.

Quisquis ariditatem experitur , neq; tamen ullam existis tribus causis deprehendit, credere debet, esse Deum, qui illam immittit ob finem aliquem particularem : sive videlicet ut nostrā prober fidelitatem; sive ut nos emundet à presentationibus ac satisfactionib⁹ propriis, quib⁹ non raro in exercitiis nostris spiritualibus afficiuntur ; sive ut nos doceat ei servire nudâ fide & puro corde non quæ sua sunt quærente ; sive deniq; ut nobis monstrer per hanc subtractionem,

P. 5 de-

De
ntione

Deus meus, Deus meus, ut quid dereliquisti me?

Ps. 21. I.

devotionem illam, quam aliquando sentimus, non procedere à nobis meti pīs, vel à nostra industria, sed ab ipso solo. His autem in casibus non amplius vocatur ariditas, sed derelictio Dei, sicut dereliquit, Salvatorem nostrum in cruce.

Negativa. Derelictionem illam duobus modis experimur; quandoque enim aliud nihil est, nisi quædam *impotentia* agendi, quæ facit, ut quis propositam materiam exordiri nequeat, quamque ex parte illam respiciat, ac penè nullus supersit usus potentiarum, quasi anima in corpore extincta forer.

Positiva. Quandoque verò ulterius progressa miserimum animum in permagnam conjicit tristitiam, fastidium ac penè desperationem. Molestiam hanc auget metus, quem quis habet, ne forse à gratia Dei exciderit: Ideoque facile quis sibi persuadet, illam derelictionem esse æternæ reprobationis præjudicium, atque hinc ordinari cœsumt illi rigores, exteriores expoliationes, annihilationes, activitatis omnis suppressiones, consummationes, martyria, languores, aliæque excellentes viæ, quibus Deus animas fideliores exercet, atque, ipsarum esse destructo, suum in illis constituit ac stabilit. Verum hoc non est pro incipientibus.

Quomodo in ariditate nos gerere debeamus.

EX iis, quæ diximus, videri potest, ariditatem aliquando nostro vitiō, aliquando secūs accidere. Quare ubi illam ad vertimus, nos-